

## **BASES QUE REXERÁN AS AXUDAS ÁS COMPARSAS QUE PARTICIPEN NOS ACTOS PROGRAMADOS CON MOTIVO DO ENTROIDO 2017 DO CONCELLO DE FENE**

O Concello de Fene, ao obxecto de incentivar a participación cidadá nos actos do ciclo do Entroido 2017, establece as normas reguladoras e as axudas económicas que outorgará ás comparsas que interveñan nos actos citados de acordo coas seguintes bases:

**PRIMEIRA.-** Poderán participar nos actos programados polo Concello de Fene con motivo do ciclo do Entroido e ser beneficiarios destas axudas calquera asociación ou entidade legalmente constituída, así como os “grupos ocasionais” que cumpran as condicións establecidas nestas bases. Neste último caso, deberán nomear a un/unha representante debidamente autorizado/a para actuar en nome do grupo.

**SEGUNDA.-** Para poder optar ás axudas reguladas nestas bases é condición indispensable formalizar a inscrición da comparsa e presentar toda a documentación requirida (consonte aos modelos dos anexos A ou B) no Rexistro Xeral do Concello de luns a venres en horario de 8.30 a 14.00 horas; o prazo computará dende a publicación das bases na web municipal e rematará **ás 14.00 horas do mércores 22 de febreiro de 2017**. O Concello resérvase o dereito de non admitir a inscrición daquelas comparsas que en anos anteriores non acreditaran os mínimos de calidade e orixinalidade no seu vestiario.

No momento de formalizar a inscrición chegarán no Rexistro Xeral do Concello a documentación a que se fai referencia no parágrafo seguinte. Tamén terán que achegar, no Rexistro Xeral do Concello, con anterioridade ao 1 de marzo 2 copias das letras das cancións que van a distribuír polas rúas.

As solicitudes deberán conter a seguinte documentación, distinguíndose entre os grupos ocasionais e as entidades con personalidade xurídica:

### **Entidades legalmente constituídas**

- Folla de inscrición
- Certificación expedida pola entidade bancaria na que conste o número de conta e o seu titular, tendo en conta que a titularidade debe ser ostentada pola asociación.
- Declaración responsable de non estar incurso en ningunha das circunstancias establecidas no artigo 13.2 e 3 da Lei 38/2003 de 17 de novembro, Xeral de Subvencións.
- Declaración responsable de estar ao corrente no cumprimento das obrigas tributarias e coa Seguridade Social.
- Declaración responsable sobre o compromiso de levar a cabo as actividades recollidas nas bases.
- Fotocopia compulsada da Tarxeta de Identificación Fiscal.
- Fotocopia compulsada do NIF do representante legal da Asociación.

### **Grupo ocasional**

- Folla de inscrición
- Certificación expedida pola entidade bancaria na que conste o número de conta e o seu titular, tendo en conta que a titularidade debe ser ostentada polo representante do grupo ocasional.
- Declaración responsable do representante do grupo de non estar incurso en ningunha das circunstancias establecidas no artigo 13.2 e 3 da Lei 38/2003 de 17 de novembro, Xeral de Subvencións. A tal efecto os integrantes do grupo teñen que nomear un/ha representante con autorización expresa para presentar a solicitude e para o cobro do importe correspondente ás axudas.
- Declaración responsable de estar ao corrente no cumprimento das obrigas tributarias e coa Seguridade Social.

- Declaración responsable sobre o compromiso de levar a cabo as actividades recollidas nas bases.
- Declaración responsable sobre compromiso de execución da actividade subvencionada.
- Fotocopia do NIF de cada un dos compoñentes do grupo ou dos seus representantes legais en caso de menores de idade.

**TERCEIRA.-** Entenderase por:

- **Comparsa de Adultos:** Agrupación de máscaras cun número superior ás 15 persoas, maiores de 16 anos.
- **Comparsa Infantil:** Agrupación de máscaras cun número superior ás 15 persoas (menores de 16 anos) máis aquelas persoas adultas que participen como apoio á comparsa.
- **Comparsa de Fene.** Agrupación presentada por unha sociedade con domicilio social en Fene ou agrupación de máscaras cun número superior ás 15 persoas maiores de 16 anos na que o 50% dos seus membros sexan veciños/as de Fene, extremo que acreditarán mediante declaración responsable e que a organización poderá comprobar de oficio.

**CUARTA.-** As comparsas deberán gardar unha unidade temática, tanto no seu vestiario coma na súa actuación. Non se consideran comparsas con dereito a inscrición e participación aquelas que en anos anteriores repetiran o seu disfrace.

**QUINTA.-** As comparsas que opten ás axudas terán que reunir os requisitos sinalados nas Bases 2ª, 3ª e 4ª e, ademais, terán que repartir as letras das cancións que compoñan o seu repertorio entre o público en xeral. As letras das cancións a distribuír, así como as da canción que interpreten no palco, no caso en que así corresponda (**unha soa canción**) terán que ser obrigatoriamente en lingua galega, e o incumprimento deste requisito implicará automaticamente non poder optar ás axudas recollidas nas bases.

**SEXTA.-** Destínase un crédito máximo de **6.500,00 €** que se imputará á aplicación orzamentaria 334/48900 do orzamento prorrogado para as axudas ás comparsas que participen nos actos programados con motivo do Entroido.

Estes **6.500,00 €** hanse repartir consonte a estes criterios:

- **2.000 €** a partes iguais, até un máximo de 500 € por comparsa, entre as Comparsas de Adultos de Fene. No caso de non esgotar os 2.000 € consignados por este concepto, o remanente distribuirase a partes iguais entre todas as comparsas de adultos participantes.
- **500 €** a partes iguais entre as Comparsas Infantís. No caso que non se inscriba ningunha comparsa infantil estes 500 € distribuiranse a partes iguais entre todas as comparsas de adultos participantes.
- Os **4.000 €** restantes hanse distribuír a partes iguais entre todas as comparsas de adultos participantes, incluídas as comparsas de Fene.

A Comisión Avaliadora poderá excluír das subvencións a aquelas comparsas que non acrediten as condicións mínimas esixidas, reflectíndoo na acta de resultado.

**SÉTIMA.-** A Comisión Avaliadora estará formada por 2 representantes do grupo municipal do BNG e 1 representante por cada un dos demais grupos municipais (Partido Popular, PSd-G-PSOE, Somos Fene, Mixto) e estará presidida por D. Justo Martínez Ardá, actuando como secretaria a secretaria municipal ou persoa en quen delegue. O día da celebración do desfile a Comisión Avaliadora comprobará que as comparsas participantes reúnen, coa súa participación no desfile, as condicións requiridas nestas bases. A resultas desta

comprobación, a Comisión Avaliadora fará a correspondente proposta de concesión das axudas reguladas nestas Bases.

**OITAVA.-** Para poder optar ás axudas nos apartados anteriores é imprescindible que as comparsas acompañen ao Entroido nos actos programados para o **mércores día 1 de marzo de 2017** e que comezarán coa **concentración ás 17.30 horas** na Rúa Cádavo (fronte ao establecemento Aguilar).

**NOVENA.-** Orde de participación e actuación

**9.1. A orde de participación no desfile** determinarase en función dos seguintes criterios:

- a) **Primeiro tramo:** Formado polas **comparsas infantís e de adultos** constituídas por persoas **con mobilidade reducida**.
- b) **Segundo tramo:** Formado por aquelas **comparsas de adultos** que **non van actuar no palco**. A **orde de participación** destas comparsas **no desfile** determinarase en función da **orde de entrada en Rexistro** da solicitude de inscrición.
- c) **Terceiro tramo:** Formado por aquelas **comparsas de adultos que van actuar no palco**. A **orde de participación** destas comparsas no desfile determinarase en función da **orde de entrada en Rexistro** da solicitude de inscrición.

**9.2. Actuarán no palco un máximo de 8 comparsas.** A selección de comparsas a actuar no palco determinarase polo persoal técnico do Departamento de Cultura e Deportes atendendo aos seguintes criterios:

9.2.1. Todas as comparsas de Fene e as de fóra que non actuaran no exercicio de 2016. En caso que o número excedera a 8 comparsas, as comparsas de fóra de Fene que actuarán no palco determinaranse por sorteo.

9.2.1. No caso que aplicado o criterio anterior, non se acadara o mínimo de 8 comparsas, as comparsas restantes determinaranse segundo a seguinte prelación.

- Comparsas que levan un mínimo de tres anos participando no Entroido fenés que non actuaron no ano 2016.
- Comparsas de nova inscrición
- Orde de entrada no rexistro municipal

**9.3** Cada comparsa seleccionada para actuar interpretará no **palco unha soa canción**. Para calquera dúbida poden poñerse en contacto no teléfono: 981.34.03.66 (Departamento de Cultura, Deportes e Xuventude).

**9.4** A orde do desfile e as comparsas que actuarán no palco hase publicar antes das 15:00 h. do día 24 de febreiro na páxina web <http://www.fenecidadan.net>

**DÉCIMA.-** As presentes bases serán publicadas no taboleiro de edictos do Concello de Fene, na páxina web municipal <http://www.fenecidadan.net> e un extracto das bases no BOP.

**UNDÉCIMA.-** A inscrición e participación no Entroido fenés implica a aceptación destas bases.